

始祖朝禕府君實錄

府君諱端字朝禕唐進士諱克純之子也先世漢太邱長實居潁川許昌歷傳至叔明因避亂遷江州傳六世晉國公旺由德化縣遷居德安縣之長樂里爲縣著姓遂號爲江州陳氏朝禕公旺公七世孫也由武進士以材力仕唐懿宗時授招討使僖宗朝黃巢亂奉勅同蔣良傑起兵收勦屢戰有功授武安節度使加封威烈將軍公經濟素優軍民共戴朝廷倚重畱鎮潭州管轄三邊斯時家長崇尚居祖地江州一門敦睦數代未分中和四年特恩旌表門閭昭宗大

順元年勅封義門授崇爲江州長史贈光祿大夫同
光二年公以年老解組適外戚彭熒常均避地南行
遂偕入長沙之霧陽鄉喜曰此可以爲家矣遂歸相
與聚於橋上議曰天之所啟惟大吾輩遇大必居公
遂居大塘彭居大田常居大賢各得其所因名其聚
議之橋曰伙散橋自是而後公功成身退舉高爵厚
祿夷然不屑桑麻自樂理亂不聞其智勇深沉殆所
謂豪傑而知道者矣旣而與宋夫人趙夫人均以壽
考終史冊銘勳葬祭如制大博先生須溪劉公銘其
墓曰前不可有一後不可有二良有以也生子伯萬

公亦復克紹前徽慶流後裔至今瓜縣椒衍傳世無窮何莫非祖澤之縣長也乎所可惜者世代迢遙先朝實錄文獻無徵所以生年卒月闕如也惟葬地詳載亦以信而有徵者傳後世子孫以誌思慕云爾